

明人古籍题跋辑录

(二)

朱家濂

春秋五论一卷 宋吕大圭撰 抄本 姚咨跋
见天一阁书目 以下简称天一

旧借故编修王尧衢懋中家藏本手录，尧衢则自其内兄荆川宫谕处得之者也。隆庆改元夏六月五日，皇山樗老姚咨重录，时年七十有二。

汉书一百卷 汉班固撰 宋刊本 王世贞、王士祺跋。见天禄琳琅书目 以下简称天禄
予平生所购周易、礼记、毛诗、左传、史记、三国志、唐书之类，过三千余卷，皆宋本精绝。最后班范二汉书尤为诸本之冠，桑皮纸，白洁如玉，四旁宽广，字大者如钱，绝有欧柳笔法，细书丝发肤皴，墨色精纯，溪潘流瀣。盖自真宗朝刻之秘阁，特赐两府，而其人亦自宝惜，四百年而手若未触者。前有赵吴兴小像，当是吴兴家人吾郡陆太宰，又转入顾光禄，予失一庄而得之。噫！予老矣，即以身作蠹鱼其间不惜，又恐兹书之饱我而损也。识其末以示后人。琅玕王世贞元美甫重跋。

此先尚书九友斋中第一宝也。近为国税新旧併急，不免归之质库中，书此志愧。
(王士祺)

大唐创业起居注二卷 唐温大雅撰 棉纸红丝栏抄本 明姚咨跋 天一

国初华亭映雪老人孙道明家多藏书，此其一种。岁久断烂不堪读，又多讹舛，惜吴中无别本正之，漫录一过，藏诸敝篋以俟。

皇山人姚咨时年六十岁灯下识。

窃愤录一卷末附南渡录大略一帙 不著撰人名氏 棉纸兰丝栏抄本 吴岫跋 天一
南渡、盗愤二录本一书上下帙，而析为二书，非是。且宜总名曰窃愤，而不必名南渡，以与高宗辟杭事无关耳。然二帝幽系亦无侍从，则孰为属笔，其始末孰从而知耶？且阿计替为金监押官，则必非南人，而何其周旋之密耶？疑宣政间士人伪作。姑苏吴岫跋。

史通三十卷 唐刘子元撰 刊本 范钦跋
天一

史通先刻于蜀，最称讹谬。陆文裕辄以己意更定，犹未了了，后人更校刻之。沈翰林肩吾取宋刻参对云，此本虽可通，尚多错缪。盖后来校者率意更易，非宋刻亦时错缪，外篇犹甚。赖此册与彼所出异途，参酌取中，庶无亥豕。夫古今异文，字画增损。如万之为萬、疋之为匹、檠之为桀、𦣻之为冠、𦣻之为冠、号之为號、卒之为卒、機之为機、誣之为诬、薛之为薛、𪔐之为象、尔之为爾、甌之为缶、羌之为差、聘之为聘、芑之为苞、歿之为多、隶之为秉、𠂔之为互、脩之为循、案之为按、姉之为姊、𢵏之为抵、僂之为僂、競之为競、儒之为儒、坑之为坑、斗之为斗、至之为巫是也。是本盖第三刻者，万历四年二月借他本校之稍有更正。删去诸序，视沈本为胜。然宋本所具者固缺也。因增正之。更取从子大徹宋刻抄本

校对，亦有更定。昔人云，校书如扫落叶，逾扫逾有，信然。

管子二十四卷 宋本录陆贽典跋 见士礼居藏书题跋记 以下简称士礼

毛斧季以善价购得锡山华氏家藏宋刻管子，钱遵王贻予此本，竭十日之力，校勘一过，颇多正是。时赋役倥偬，愁闷填胸。当研朱笔时，大似奕秋海奕，一心以为鸿鹄之将至，抚已为之一笑。康熙五年四月二十有六日常熟陆贽典识。

古今书籍，宋板不必尽是，时刻不必尽非。然较是非以为常，宋刻之非者居二三，时刻之是者无六七，则宁从其旧也。予校此书一遵宋本，再勘一过，复多改正。后之览者，其毋以刻舟目之。康熙五年丙午五月七日敕先典再识。

书苑菁华二十卷 宋陈思撰 影宋抄本 徐玄佐跋 士礼

书苑菁华其原本乃先君文敏公所遗宋朝佳刻也。仲兄珍藏篋笥、宦游携行，已经三十年余。近兄物故，犹子不暇检阅，遂失去第十六至终一册，予甚惜之。复恐他日并其所有而亡，遂取过摹写，藏于斋阁。后闻五芝龚君亦有是书，且不吝假人，又得请归续录完之。噫！凡物聚散得失，固有时也，亦由乎人也。今偶留心典笈，以全古人之书，以存先子遗书之意，岂不快哉！万历七年七月既望东海徐玄佐谨识。

画鉴一卷 元汤垕撰 校旧抄本 史臣纪、顾玄纬、姚咨、沈与文、冯彦远跋 士礼
嘉靖乙丑春三月十三日、鹿甲居士史臣纪勘毕。

隆庆三年首夏顾玄纬载勘计四十叶。

夏六月小暑日皇山七十翁姚咨又校一过。

乙丑岁有书贾吴姓者，持是求售，予因以□□钱易得，（下缺）。海虞冯彦远记。

吴郡姑徐山人沈与文校勘。

衍极五卷 元郑杓撰 校旧抄本 录孙道明

跋及卢雍题记 周荣起跋 士礼

至正二十六年岁在丙午八月庚戌朔写起，至十有八日丁卯抄毕于泗北村居映雪斋，华亭孙道明叔识时年七十岁。

弘治丙辰十月十二日吴山卢雍谨录于长洲乌鹊桥寓所。

康熙二年癸卯三月予侨寓吴门半塘，偶过访金孝章，出示此书，犹是吴匏厂先生家藏本也。得未曾见，喜而借抄，酬应之暇，缮写竣事，始三月二十一日、毕四月初七日，通计一十六日。老眼虽昏，鱼鲁稍定，后之览者，尚勿忽诸。江阴周荣启识，时年六十四岁。

文房四谱五卷 宋苏易简撰 校旧抄本 录赵琦美、钱谦益跋 士礼

文房四谱四卷，戊申八月中友人孙唐卿氏自家山来，奚囊中持此书，因借录并校，其讹者无虑数十，续检得徐骑省集中有是书之序，不知何年失去？今录如前，可谓洛浦之遗矣。时万历三十六年九月十三日，海虞清常道人书于栢台公署。

文房四谱五卷，此本缺二卷，笔之辞赋，又每谱辞赋俱缺，又脱易简彼序，非完书也。丙寅五月牧翁记。

绍兴内府古器评题 宋张抡撰 明抄本 冯彦远题识。见菟圃藏书题识。以下简称菟识

崇祯庚午岁，得秦季公抄本，因命家仆录之，时秋尽日也。海虞冯彦远识。

珩璜新论一卷 宋孔平仲撰 旧抄本 焦竑跋 士礼

万历己酉六月得此写本，命侍史录成，校阅一过。

曲洧旧闻十卷 宋朱弁撰 抄本 范钦跋 天一

朱弁字少章，新安人，于晦庵为从父。官直秘阁。建炎丁未使虏，留十七年，既归而卒。又有杂书一卷，骈骊说一卷，骈骊说者以续晁无咎词话，而晁书未见。（范钦跋）

东观余论二卷 宋黄长睿撰 宋刊本 丰坊

项元汴跋，见滂喜斋藏书记 以下简称
滂喜

右东观余论，宋刻初拓、纸墨独精，卷帙甚备，世所罕见。嘉靖己酉六月癸亥道生观于东沙华氏真赏斋。

隆庆二年冬日，仲兄少溪官居南都，公务之暇，惟以书史娱目赏心。得此善本，持以见示。知予所好，授之袭藏，永俾无斁。墨林项元汴记。

鉴藏录 蜀何光远撰 宋刊本 项元汴跋
士礼续

时明万历元年秋七月既望、重装于天籁阁，共计二册、原价陆□。

澠水燕谈录九卷 宋王闢之撰 旧抄本 张
栢跋，见菟圃藏书记。以下简称菟识

王闢之圣涂，治平四年进士。元祐间为
邑河东。是书所记皆建隆以后七朝事，皆有关理道不可以裨官概略之也。吴郡张栢伯任甫记。

青箱杂记十卷 宋吴处厚撰 抄本 录唐寅
题记 菟识

俞子容守约斋藏书、正德辛巳夏六月晋
昌唐寅勘毕。

河南邵氏闻见录十二卷 宋邵伯温撰 校旧
抄本 野竹居士跋 士礼

嘉靖十三年夏日，对宋本校勘一过，前
本与中间一册在予家四十年始得接完，可见奇书则不易遇也。保之保之。野竹居士谨记。

手镜摘览 兰丝栏抄本 吴岫跋 天一

南峰杨公集百家言为奚囊手镜，以卷编
繁浩，改订无常，积五十年而竟不成书。末年括为摘览八卷。隆庆辛未吴岫跋。

独异志三卷 唐李冗撰 兰丝栏抄本 袁表
识 天一

广异、稽神、宣室三种，皆从吴方山太学
所借得，托罗事拙舛繆，类入独异志共成一帙，以便披览，且免散逸之苦。嘉靖戊申袁表识。

录异记八卷 五代杜光庭辑校 明抄本 录

柳金、俞弁、秦四麟跋 士礼

右录异记一集，凡八卷十七类，乃五代杜
光庭所纂。得于友人家，假归录出，仍抄别
本，总计七十翻。时正德己卯三月望后一日
吴门柳金大中录毕于桐泾别墅之清远楼中。
其日细雨闭门，弄笔强述一章以纪之。抄书
与读书，日日爱楼居。窗下满地水，萍间御
饵鱼。时名随巧拙，天道已盈虚。莫信村居
好，山居乐有馀。

己卯首夏访大中村居，承假是录、录毕
用书尾原韵奉谢。生平酷好书，僻性恢城
居。洗杓尝鸱酒，焚芸辟蠹鱼。荷君函里
秘、益我腹中虚。好语田园辈、辛勤念载
馀。端阳后二日，长洲守约道人俞弁志。

万历己丑首夏、赵子元度访予斋居，欲
得文中子元经，予举以赠之。因语予近得杜
光庭录异记凡八卷，予请借观，去数日录一
册见赠。据前二跋，距正德己卯又七十一年
矣。元度为今大司成定字公冢器，翩翩好
古，言论风旨，绰有父风，盖后来之俊云。
是岁端阳后二日西巖山人谨识。

方书此时，亦漫然耳。至六月二十日复
观之，乃与前跋俱端阳后二日，事之偶合如
此，亦异矣哉。西巖并书。

漫堂随笔一卷 明唐寅撰 兰丝栏抄本 姚
咨跋 天一

吴趋唐省元伯虎遗书中有漫堂随笔一
卷，所载多元祐间事，杂以幽冥报应，蓼桃
神奇。予疑其怪诞，况值岁单雪甚，手冻皴
不能运笔，祇摘其涉于伦理者书之。丙辰腊
月下旬皇山人姚咨识。

吕衡州文集五卷 唐吕温撰 校明抄本 录
钱允治跋 士礼

此书向无佳本，读之不胜鲁鱼。近在君
宣斋头获观此编，有王庭槐图书，并校录跋
语云彼先君从内府传写者。亟取归而仇正
之，大约次序相同，互有少差耳。俟有博
学，还祈请正。万历丙辰仲秋记于悬磬室。

李元宾文集五卷 唐李观撰 旧抄本 杨瀚

跋 菟识

己已得叶林宗本，校一过。行间脱字、增补十之三四。倘再遇善本补完此书，殆无遗憾矣。虞山杨灏志。

张司业诗集三卷 唐张籍撰 影宋抄本 陆貽典跋 菟识

宋刻张司业集有二，一本八卷，一本上中下三卷，而要以八卷为胜。百家唐诗中所刻一卷，仅三卷中之下卷耳，其为可笑如此。予既别抄北宋本，复借遵王南宋本补此二卷。闻此外尚有木铎集，惜无从一见之也。辛丑六月十一日貽典识。

李群玉诗集三卷 唐李群玉撰 校明抄本 叶奕题跋 士礼

崇禎三年庚午八月从安愚道人抄本手录。二十二日晚完，震津叶奕

韩君平诗集五卷钱考功诗集十卷 唐韩翃、钱起撰 旧抄本 叶树廉题识 士礼

己丑年正月，靖远堂主人道教命童子张秀抄竟，南窗记。

元英先生诗集十卷 唐方千撰 校明影宋抄本 冯舒题记 士礼

崇禎戊辰年六月，冯氏空居阁阅。

王黄州小畜集六十二卷 宋王禹称撰 校宋旧抄本 录谢肇淞跋 士礼

予少时得元之诗文数篇，读而善之，锐欲见其全集，徧觅不可得。既知有板梓于黄州，托其州人觅之，又不得。去岁入长安，从相国叶进卿先生借得内府抄宋本，疾读数过，甚快，因抄而藏之。今学为诗者，未能窥见此老藩篱，而动弹射宋人，至不遗余力，此与以耳食者何以异，悲夫！万历庚戌三月望日晋安后学谢肇淞敬跋。

林和靖先生诗集四卷 宋林逋撰 校宋本 彭年跋 士礼

此集为匏厂相国所藏，标题尚公手迹也。嘉靖戊申春友人礼部陆君子传购得之，间以遗予。其雅意不敢当，漫识卷末，隆池山樵彭年书于寒绿堂。

和靖先生诗集不分卷 宋林逋撰 影宋精抄本 录黄翼跋 士礼

和靖集，予向购之于武林徐门子铺中，后归灵均。灵均身后藏书散尽，此册以残缺独存。戊子夏赵昭携过泾上，因复留之，如异乡之见故人也。掇六黄翼。

温国文正司马公文集八十卷 宋司马光撰 宋刊本 徐达左题记 卢雍跋 士礼

洪武丁巳秋八月收（下有“徐达左”小方印及“松云道人徐良夫藏书”大方印）。

国初吴儒徐松云先生收藏温公集八十卷，缺九卷，雍谨抄补以为完书云，弘治乙丑秋九月望日石湖卢雍谨记。

文潞公集四十卷 宋文彦博撰 明嘉靖刻本 赵琦美藏 何慈公跋 滂熹

崇禎庚午吴君平以是集求售，此故内兄玄度物也，亟收之入宋人集部。慈公记。

宝晋山林集拾遗八卷 宋米芾撰 旧抄本 丰坊跋 滂熹

南宫山林集，尝见抄本六十卷。兹孙宪所刻拾遗尔。嘉靖乙酉丰道生观于锡山华中甫真赏斋。

宝晋英光集六卷 宋米芾撰 校旧抄本 录戒庵老人跋 士礼

序称山林集百卷，今所会粹附益未十之一，正谓此六卷也。焦氏馆阁书目称宝晋集十四卷，岂别有书欤？又坊间宋元名人收刻米诗，半在此集外，其与此合者，或不免字句之异，未知所从本也。百卷、十四卷俱不可得见，且存此六卷而已，不必杂以吴中贗迹，为貂之续也。戒庵。

宝晋英光集六卷丛书堂板旧抄，吴文定公原博故物也。己为张青甫改窜，杂取吴中贗迹，增至十卷，将以行世，予恐其乱真，亟索故本录之。又予见王越石舟中倪雲林集一册堪与此配食，然越石徧索吴中贗迹、增改不已，岂不谬哉。大率今世逋逃数数端，而米、倪居二，不能字者以米为逋逃数，强伸缩其笔以为奇，不能画者以倪为逋逃数，

聊点染其笔以为趣，其祸皆始于骨董之家，目无珠、口中无舌、自欺欺人。欺膏粱子弟，不足惜也。今后无复知古人之真妙，斯叹恨无穷尔。因跋此集，牵连书之以垂训。虽青甫、越石之流移目我，我甘之矣。戒庵老人。

孙尚书内简尺牍十卷 宋孙觌撰 校宋本

叶树廉跋 菟识

辛卯之春，假林宗氏藏本校过，其缺者友人孙凯之补入，今可为叶石君校正本矣。此书向属寒山赵灵均，灵均亡后，图书散尽，有刻本即林宗所藏本也。此卷中大字皆灵均照元刻本校得，其中细琐未见详勘。两书皆寒山旧物，而今分属。后之人读此书，当于聚散自勘，得读则读，毋使尘封架上，蠹蚀卷中、付诸不可知之人，复增聚散之感也。予更有孙尚书大全集，抄本多讹，虽于别本参校，其奈交游不广，未得完刻细仇，中每耿耿，不知何年乃能如所怀也。洞庭东山叶石君识。

楚国文宪公雪楼程先生文集三十卷 元程钜

夫撰 元刻本 文休承跋 滂熹

嘉靖庚申五月向秦汝立处携归、留几上月余，草草传抄副册，还辄感志。汝立博雅好古、留心古书、必能宝此也。八月廿三日茂苑文嘉识。

存悔斋诗一卷 元龚璚撰 抄本 张丑跋

士礼续

此诗原系永嘉朱先生抄本，桢从先生游，故假以录，实至正五祀岁乙酉也。时桢年十五，今倏过五载，恍如旧梦，岁月难留，寸阴其可不惜。深愧志不胜气，不能勇力以学，抚卷辄成浩叹，谨书以深警，毋待他日徒悔焉。至正九年岁己丑五月二十七日开封俞桢恐悚拜书。

立庵先生初名桢，字贞木，后以字行。种学绩文、躬秉特操。仕终都昌县丞，以清节显。此其手录龚子敬集，云从永嘉朱先生抄本翻出。朱名右、字伯贤，有史学，为后

元大儒，事具金华宋景濂墓志中，斯其人之贤盖可见矣。又按贞木跋尾录于志学之年，而其留心风雅已如此，固宜终身造就，有以大过人也。伏读不胜景仰、张丑识。

张光弼诗集二卷 元张光弼撰 旧抄本 赵

琦美跋 士礼

元张光弼诗二卷，为不解事书人强为解事，作七卷分之，遂失其本来面目，一卷之五卷合作第一卷、六卷之七卷元合作第二卷也，其书借海盐胡孝辕氏所录。往数年前，闻孙唐卿氏有是集，碌碌南北，未及假录。昨岁差旋，往谒孝辕，遂携之归、录之以偿夙昔。然胡本中颇多泔烂损坏字，尚须假孙氏本补之。集有辇下曲二首、宫词二十一首，皆道胡元宫闱中事也。别有国初宗室得所赐元老宫人言庚申君宫中事，为作宫词百，今见丈园漫录，惜为删去五十二章，惟存四十八章，录作一家，亦备一代之遗事云。时天启二年壬戌正月上元后一日书于武源山中，连阴雨二十日矣，尚未有晴意，恐复作元年连绵四五月也。清常道人书。

说学斋稿不分卷二册 明危素撰 抄本 归

有光、叶恭焕跋 滂熹

前三十年从吴纯甫借观，今问其家，其半佚矣。命童子录而存之。（归有光）

嘉靖辛酉，震川师从予觅太樸文不得，自隆庆丁卯后乃获此卷，实先文庄抄存，师已仙去不获见，可感也。（叶恭焕）

（按此书前半从吴纯甫本出，而后半足以叶本。故跋语两段语气不属）

眉厂集十二卷 明杨基撰 明刊本 王献臣

王玉芝题记 菟识。

弘治丁巳五月、乡达张企翔先生馈此书、王献臣。

嘉靖乙卯腊月二十六日，王玉芝志于叠翠轩。

六臣注文选六十卷 唐李善等撰 宋刊本

王世贞、王穉登、周天球、张凤翼、汪应娄、王醇、曹子念跋 天祿

予所见宋本文选，亡虑数种。此本缮刻极精，纸用澄心、墨用奚氏。旧为赵承旨所宝。往见于同年生朱太史家，云得之徐太宰所，几欲夺之、义不可而止。太史物故，有客持以见售。予自闻道，日束身困焦，五体外俱长物。前所得汉书，已授儿辈，不复置几头，宁更购此，因题而归之，吾师得无谓予犹有嗜心耶？壬午春日世贞书于昙阳观大参同斋中。

宋本文选，往往见于藏书及好事之家，欲其精善完好若此本者绝少。此本纸墨侵摹、并出良工之手，政与琅玕长公所藏汉书绝相类。汉书有赵魏公小像，此书有公手书，二书皆公邨架中本也。流传至今仅三百年，而卷帙宛然、既免虫鱼之腹，又不落雌黄之手，岂灵签秘籍，神物呵护之耶！今归朱司成象玄家，出示谛赏，因漫题此。此本视汉书亦犹蜀得其龙，吴得其虎耳。万历甲戌人日王穉登书。

予少时尝见是书于崦西公家，后有文敏跋语数十字，当是松雪斋中物。今五十年复见于仲嘉处，纸墨如新，良可宝也。癸巳秋八十老人周天球记。

予尝见此书于徐文敏嗣君架上，云是文敏所钟爱，以贻其后之人者。其纸墨精好，神彩焕发，令人不忍去手。且其间有赵文敏识数语，则知此书常入松雪斋中，夫先后相去二百年而遥，复归一文敏，岂文选之为文也、固自有夙缘耶。予穉岁购得一部，为黄勉之先生家物，与此同出一梓，而刷印在后，后有景石子题字，其纸墨不及此远甚，今已为好事者易去，不复得与相较，然大都不相及也。夫一梓印出，且相悬如此，矧后之翻版耶？近留意选学，将纂辑诸注，则闻此书已归云间，因倩人借留案头，校对币月，遂识岁月归之。亦俾好事儒者知所珍重云。万历丁丑仲秋望长洲张凤翼。

嘉宾拉予过清远阁，出所藏种种珍玩，古色照人、真令目眩神驰、应接不暇，复翻其

架上宋版文选，人所罕觐者，纸精墨妙，居然完璧，未有赵文敏公手书数行，是为松雪斋宝藏者。后传之吾宗仲嘉，有王元美、周公瑕、张伯起、王百穀诸君跋。古雅如仲嘉，经其收藏当为增价。后传之海阳好事家，嘉宾亲往而厚值，乃今贮之阁中。吾知嘉宾愿读尽天下好书者，而文选尤词林嚆矢，宜其焚香披阅，更助清吟之兴不浅矣。珍而藏之，可为家宝，则清远主人之架胜玄晏先生之架云。社弟汪应娄书。

予知仲嘉有宋版文选，心摇摇十余年矣，及造其庐，未遑索看。后逢嘉宾于托山小有园，出陶隐居及唐宋墨迹示之，皆人间所未见者，业已夺人精魄、且许以此书出观，以暝色不能。归去役我魂梦，越数日始得一觐。纸墨之光射目、字楷而有致，竟日披览，得未曾有。时松风弄絃、远山横黛，是生平第一乐事。己未小雪日，太原王醇识。

日予于万卷楼见弇州公所得两汉书，以为宋版第一。后复有持文选至者，楮色莹膩、似觉更佳，从臾公购之以为合璧。而公以奉道屏去一切玩好，犹为题数语令客持去，念之常以为恨。今秋复觐于仲嘉寓舍，披阅甫毕将负之入黄山矣。念再见无期，因识其末简。万历癸巳中秋日曹子念书。

中兴间气集二卷 唐高仲武辑 明刊本 冯舒跋 士礼续

崇祯己卯春中，得赵玄度抄本，较增于空居阁。冯舒。

唐僧弘秀集十卷 宋李昉辑 校宋本 叶树廉跋 士礼

壬寅四月在丁俊卿店见一旧刻，假归对读一过，抄缺佚三处，共诗五首。二十四日孙潜夫记。

其刻牧斋所藏亦在钱遵王处。

右宏秀集，向时重烦凯之校正，已周支干再矣。近来凯之归句曲，予仍碌碌于琴水之畔。世故纷拏、故交离散、抚卷徘徊，不胜离索之感。人生有几，聚首难期，恍然者

久之。时康熙十四年之暮春日朴学斋识。

予于己卯岁得一抄本，照陈解元书棚刻本录，字样琐碎、细详首尾，与此本校者不异，复有杨循吉诗笔，盖是杨氏藏本。已未新正检出参看一次，诚善本也。附记于此，冀后之好古者，毋忽于敝纸败笔本子。朴学斋老人叶石君识。

金石例十卷 元潘昂霄撰 抄本 钱谷、叶裕跋 士礼

此书元至正中刻，嘉靖壬辰三月二十二日于金陵淮清桥书铺购得之。世无刻本，宝之宝之。前跋亦元人所书。钱谷记。

右金石例，向无刻本，自叔宝得此书，龙宗武借得寿诸梓，遂行于世。龙君序中载得书始末，故知斯本为真种骨也。后人其保之。顺治乙未夏五雨窗跋。支指生叶裕。

——题跋人小传——

俞楨 字贞木，后以字行。又号立庵，俞琰之孙，洪武初出任乐昌、都昌县丞，琰子仲温刻琰所著周易集说，尝命楨缮写钺梓，楨固有书名，濡染家学，手书上板，故极精美。本篇收存悔斋集一跋。

孙道明 字明叔，华亭人。博学好古，藏书万卷，遇秘本辄手自抄录。筑映雪斋延接四方宾客，校阅藏书为乐。洪武间年已八十，尚抄书不倦。本篇收衍极一跋。

徐达左 字良夫，元末隐居光福山中。洪武初，出为建宁学官，藏书甚富。本篇收温国文正司马公文集一跋。

王献臣 字敬止，弘治六年进士，以高州通判致仕。苏州拙政园即献臣因废寺营建。家有藏书，钐“吴门王献臣家藏书印”之图记，本篇收眉庵集一跋。

唐寅 字子畏，一字伯虎，弘治中举人。颇藏两宋精槧，亦勤仇校，但为其画名

所掩，知之者鲜。本篇收青箱杂记一跋。

柳金 字大中，别号味茶居士。吴县人。正德中隐居不仕，常摹写宋本唐人诗数十种，又仇校水经，改正错简，亦大有功于典笈。本篇收录异记一跋。

俞弁 字子容，号守约道人，长洲人。与柳金友善，著有山樵暇语十卷。本篇收录异记一跋。

卢雍 字师邵，吴县人。正德六年进士，官至提学使。本篇收衍极、温国文正司马公文集二跋。

丰坊 字存礼，改名道生，鄞县人。嘉靖二年进士，除吏部主事，以吏议免官。丰氏自宋以来，代有闻人，家世藏书。至坊晚得心疾，潦倒于书淫墨癖之中，又遭大火，储书丧失殆尽。本篇收东观余论、宝晋山林集二跋。

袁表 字邦正，吴县人。官临江通判。嘉靖时与其群从六人皆以文章显名吴中，人目之曰汝南六俊。本篇收独异志一跋。

范钦 字尧卿，号东明、鄞县人。嘉靖十一年进士，累官兵部右侍郎。毕生广搜图笈、藏书之所曰天一阁。传世久远、最负盛名。本篇收史通、曲洧旧闻二跋。

钱穀 小传见前。本篇收金石例一跋。

彭年 字孔嘉，号隆池山樵。以书名，有隆池山樵集二卷。本篇收林和靖先生集一跋。

归有光 字熙甫，崑山人。嘉靖四十四年进士，官至太仆丞。生平好书，夫人王氏助其访求，累积数千卷，每钐夫人印记。本篇收说学斋稿一跋。

姚咨 小传见前。本篇收春秋五论、大唐创业起居注、画鉴、漫堂随笔四跋。

文嘉 字休承，徵明次子。画得家传，以贡授学官。本篇收雪楼程先生文集一跋。

叶恭焕 小传见前。本篇收说学斋稿一跋。

顾玄纬 名起经，又号罗浮外史，无锡

人。以国子生谒选微职。梁溪顾氏藏书，著闻一时。然终归于豪家。本篇收画鉴题记一跋。

沈与文 字辨之，号姑馀山人。据黄丕烈云，吴中衫浣桥嘉靖时有沈与文，颇著书，曾刻韩诗外传。本篇收画鉴一跋。

野竹居士，据黄丕烈考订，疑即嘉靖时沈与文。本篇收河南邵氏闻见录一跋。

王世贞 字元美、太仓人。嘉靖二十六年进士，官至南京兵部尚书。家有尔雅楼度宋刻书。自云：宋本精绝者过三千馀卷。本篇收汉书、文选二跋。

吴岫 小传见前。本篇收窃愤录、手镜摘览二跋。

王玉芝 据跋知是嘉靖时人。仕履不详，本篇收眉庵集一跋。

王樾登 字百穀、长洲人。嘉靖布衣。以诗名、又擅书，并工制曲。本篇收文选一跋。

张凤翼 字伯起、长洲人。嘉靖甲子举人。尝作红拂记、窃符记等传奇。本篇收文选一跋。

周天球 字公瑕、太仓人。诸生、从文徵明游，善书，一时丰碑大碣皆出其手。本篇收文选一跋。

史臣纪 字载之、吴郡人，与黄姬水为友、隆庆间曾共题名于虎丘山上，亦一时好古之士。所藏图笈间有流传至清末者。本篇收画鉴一跋。

项元汴 字子京，号墨林。项氏固雄于资。元汴出其绪余，购求法书名画，三吴珍秘，多归天籁阁。明清交替之际，嘉禾被兵，项氏累世之藏荡然无遗。本篇收东观馀论，鉴诫录二跋。

秦四麟 小传见前。本篇收录异记一跋。

张栋 字伯任、崑山人。万历五年进士，官至兵科给事中。本篇收澠水燕谈录一跋。

焦竑 字弱侯、上元人。万历十七年进士，官翰林院修撰。藏书两楼，五楹俱满，一一皆经校仇。曾编国史经籍志。本篇收珥璫新论一跋。

王世贞 字罔伯、太仓人，王世贞子。万历十七年进士、官至吏部员外郎。亦能文。本篇收汉书一跋。

谢肇淛 小传见前。本篇收王黄州小畜集一跋。

钱允治 小传见前。本篇收吕衡州集一跋。

戒庵老人 老人李姓谀名，万历间人。（士礼居藏书题跋记载吴翌凤语）。本篇收宝晋英光集一跋。

张丑 字青父，原名谦德，嘉定人。自其父应文徙居长洲。丑好法书、名画，著清河书画舫。家藏图书贵旧刻，亦多精好。本篇收存悔斋集一跋。

徐玄佐 万历时西洞庭人。据黄丕烈考云：徐缙之子。缙位至少宰，谥文敏、王文恪公之婿，盖亦藏书世家。本篇收书苑精华一跋。

赵琦美 小传见前。本篇收文房四谱、张光弼集二跋。

何慈公 据跋，赵琦美乃慈公之内兄。其他事迹无考。本篇收文潞公集一跋。

汪应娄 按徽州府志，明汪应蛟、婺源人，官尚书。应娄当是兄弟行，事迹无考，本篇收文选一跋。

王醇 字先民、扬州人。弱冠善词赋，亦谙骑射。本篇收文选一跋。

曹子念 字昌先，太仓人。王世贞之甥。本篇收文选一跋。

黄翼圣 字子羽，号振六，太仓人。崇禎中以诸生应聘，官至安吉州知州。性好古铜、瓷器及宋雕古书，然辄随手散去。本篇收和靖先生诗集一跋。

周荣起 字研农，江阴老儒。精于小学。毛晋刻校古书，多其刊正。年八十七乃卒。

本篇收衍极一跋。

冯舒 小传见前。本篇收元英先生集、中兴间气集二跋。

冯彦远 名知十，冯舒之季弟。明亡，清兵至邑，格斗死。本篇收画鉴、绍兴内府古器评二跋。

陆贽典 小传见前。本篇收管子、张司业集二跋。

钱谦益 小传见前。本篇收文房四谱一跋。

叶奕 字林宗、虞山人。好学多藏书，与叶树廉齐名。每见秘册必假归，躬自缮写、夜分不休。本篇收李群玉诗集一跋。

叶树廉 小传见前。本篇收孙尚书内简尺牍、唐僧弘秀集二跋。

杨灏 据跋知是虞山人，与叶林宗同时。本篇收李元宾文集一跋。

叶裕 字祖仁、奕之次子，右手骈指，

自号支指生。游钱谦益之门。以后母故，失爱于父，鬱鬱以死，年止二十五岁。本篇收金石例一跋。

附 记

此稿编竟，偶然翻阅美国China House Gallery和China institute in America 编印的 Chinese Rare Books in American Collections 一书，中有翁万戈先生所藏宋刻鉴诫录，即本篇所收项氏天籁阁本。并印有书影二幅，一原书，一题跋。项元汴跋语为“时明万历元年秋七月既望重装于天籁阁，共计二册，原价六□”二行二十五字，但本篇据以著录的《士礼居藏书题跋续记》所载项跋一段，首有“右宋槧鉴诫录，项元汴家藏”十一字。借此项氏手迹，可证此十一字系编书者所加，非项氏跋句。（附摄影影二幅）

